

Mirko's Sprüche 1999

Wenn im Herbst die Blätter von die Bama folln,
un der Wert tut ma widder sein vulln Schubkorren hem rollen.
Wenn beim Better sein Hutverleih hat ma widder Hochkonjunktur,
un uhm im Sohl kriegt a jeder sei Extratour.
Wenn im Börner Wold die Bama reihenweise gefällt wern,
un im Dorf die Kiner nach dan Hana kern.
Wenn die Kapell ma widder spielt ihre schiefen Tön,
un die Leut kumma besuffen hem un des richtig schön.
Wenn ma von der Alkoholvergiftung is nimmer weit,
dann is in Velsdorf endlich widder Kermeszeit.

VIVAT

Dies Jahr bin ich a widder mit dabei,
un bin wie immer dös dritt Paarle in dara Reih.
Nach a Plotzera musst ich mich a net lang umguck,
denn ich ho mir gedacht nimmst efach ene von dara Bettersbrut.
Mit der Bella kusste getanz nach jeder Musik un jeden Takt,
un zu a bissla Küsserei ham mas a scho gebracht.

VIVAT

Wenn ihr jetzt guckt gespannt auf meine Hoor,
un denkt vielleicht dös is net woor.
Da muß ich euch enttäusch un sag noch ees dazu,
Schuld daran is nur ener, Kurti un zwar du.
A klene Idee wors un kener hat dazu was gesagt,
außer der Weiß, der hat gleich gemacht an Vertrag.

VIVAT

Jetzt muß ich euch ma was erziehl von an Velsdorfer Mu,
wenn dar nein Urlaub fährt hat die Dorfjugend ken Toch mehr Ruh.
Da wird geplant a Kesselgulasch un a Sau am Spieß,
un die Getränke müssen ja a entsprechend fließ.
Doch wenn er hem kümmt muß ölles in Ordnung sei,
sünst macht der Meiersch Werner a heiten Geschrei

VIVAT

So wie dies Johr auf'n Sonntach,
kümmta hem un denkt guck ich halt erstma im Müllemer nach.
Dar ziehlt dan ganzen Dreck, jeden Krümel ganz genau,
un flitzt dann im Sprint zu seiner Frau.
Du Alte, meenta völlig entgeistert, 49 Zigarettschachtel un mindestens 25 Kasten Bier ham
die gebraucht,
weste denn wie viel Geld dös is un wie viel Holz ma davu geköf, dös dann aus unern Schlot
rausraucht.

VIVAT



Ja Werner ma kus nu gesog die Party war klasse und geil,
aber nächstes Johr hama a noch größere Attraktion dabei.
A Bänd hama bestellt, die spielt´s ganz Wochenend dorch ohne viel Geleier,
un da wird se noch schöner die Werner Meyer nicht zu Hause Feier.

VIVAT

So jetzt ham scho 3 Mann gewöscht und gelabbert das sich die Balken biegen,
un nu wöllma lausch was uns die anern noch darbieten.
Aber ich gieb die wern ihre Sache scho gut machen,
un mir bekumma noch etliches zum Lachen.
Die Karmes neigt sich nu langsam scho widder dem End aber heit werds noch a langa Tooch,
un ich versprachs, wenn ener zu besoffen is da tu ma ne hem trooch.

VIVAT

